

SCUELE DE INFANZIE DI BURI

IL GRUP DAI FRUTS GRANCJ A PRESENTIN

**Vot il passar e une
aventure di canarin**

IDEAZION E REALIZAZION GRAFICHE DI SANDRA ZAMPIERI

A.S. 2010-11

"AIAR par Respirâ, Scoltâ, Fevelâ, Nasâ"

La storiute di "Vot, il passar e une aventure di canarin" nus pare dentri intal vîf da lis carateristichis impuartantis dal element aiar. Midiant de storiute e dai svilups seguitîfs, cualchidun di chescj inserîts intal librut, il frut al scuvierç che l'aiar al permet la vite cul respîr, par mieç dai polmons; l'aiar che al ven fûr dal nestri cuarp al fâs vibrâ lis cuardis vocâls e al permet la comunicazion e il cjant; la propagazion da lis ondis sonoris traviers dal aiar e permet, par vie da la orele, di scoltâ suns, rumôrs, melodiis; l'aiar,formidabil mieç di traspuart, al ative il nestri sens dal odorât fasintnus sintî pucis e profums.

Di seguit a son elencats cetancj zûcs e ativitâts fatis par cjapâ i obietîfs principâi dal nucli:

°Aiar par respirâ...zûcs cul cuarp di inspirazion e espirazion - i polmons cemût sono fats, cemût funzionino - Cui al sofle plui fuart? - Gare da lis balutis di ping-pong - i pes in padiele - soflin su lis canutis par piturâ...

°Aiar par fevelâ e scoltâ... di indulà vegnie la vôs? lis cuardis vocâls - cemût si propaghe il sun?Lis ondis sonoris - Lis nestris oreles - Zûcs par la atenzion e la memorie auditive (a voi bendâts scuvierzìn l'argagn che al à sunât) - Scuvierzìn, fasìn, balin a ritmi...

°Aiar par nasâ...L'aiar al traspuarte i profums: il nâs e il sens dal odorât, cemût funzional? Distinguin tra i odôrs gradevui e insopuartabii - Zuin a alenâ la memorie odorose: nase e induvine ce isal limon o caffè?; l'aiar,formidabil mieç di traspuart, al ative il nestri sens dal odorât fasintnus sintî pucis e profums.

E je une splendide zornade di Fevrâr, il soreli al è alt intal cîl. "Vot" si svee,
si distire vierzint lis alutis, al met a puest il nît... e la gulizion ?

O scugnarai cirîle, al pense "Vot", e subit si met a svolâ viers une cjase li
dongje.



"Vot" al cjale che a son oms che piturin un mûr. " Forsit al sarà cualchi fruçon di pan, lassât dai pitôrs, al è miôr se o voi a viodi" al pense.

Un pôc plui indenant al viôt un seglot che cjalant di parsore al somee plen di blave!




Nol è nissun e il passar si bute come un missil viers il seglot. "E je ore, si mangje" al cibiscje content. "Vot" al è masse dongje al seglot cuant che si acuarç dal fal, ma sacre volte al è masse tart e cuntun "ploff" al finìs dentri tante, ma tante tempore zale!

Al cole jù fin insom cence respirâ, come dentri da la aghe ; ma dopo al torne su e finalmentri al cjape un grant respîr!

"Oh mamute, ce pôre" al cibiscje "Vot", vignint fûr dal seglot dut imbombât di colôr zâl... al somee un canarin! Si spache jù un pôc di colôr cu li salutis, ma purtrop il colôr al reste tacât e ancje la puce di tempore da lis plumis.



Par tornâ a svolâ al à di suiâsi lis alutis e saltuçant al rive intal plan di un barcon che al è batût dal soreli. La cjasute e je abitate da la none Marie che, cjalant propite in chel moment il barcon e viôt un ucielut dut zâl e pensant che al sedi un canarin, lu cjape sù cun delicatece e lu met dentri une piçule gabiote indulà che al jere za un canarin vêr. "Vot" al è spaventât. "Riino", il vêr canarin, al cjale cun difidence chel ucielut dut zâl come lui, ma che al puce di piture, a pene jentrât dentri de sô gabiote e cjapant sù un pôc di coraç i dîs che se al cjantarà, sigurementri, al varà simpri alc di mangjâ e di bevi. "Vot" al spieghes a "Riino" che nol è un canarin e duncje nol po cjantâ come un canarin!



Intant ancje none Marie si acuarç che "Vot" nol è ce che
al somee e cussì lu mole fûr.



"Vot" al svolè viers il bosc, aromai e je cuasi sere; prime di rivâ i ven une idee: "O fasarai un scherç di carnevâl ai mie amîs passars... o soi ancjemò zâl o somearai un...al pense l'ucielut gjoldint.

I amîs passaruts, un pôc paurôs, cjapâts di sorprese di viodi chel che al somee un canarin svolâ viers di lôr, prime a scjampin suntun ramaç, ma dopo a sintin e a ricognossin il cjant dal lôr amî Vot.

Ducj maraveâts si fasin dongje e a scoltin la storie dal lôr amî che par une zornade , ancje se no jere colpe sô, al si jere mascarât di canarin !

Dut al è ben ce che finîs ben e a Vot al bastarà une poce di aghe e tante pazienze par tirâsi vie il colôr da lis plumis e tornâ biel come prime.




**La storiute e je
finide e scomencin
lis ativitâts**

Piçul dizionari



SORELI - sole




COLÔR ZÂL - colore giallo



SEGLOT - secchio




MAN - mano




CANARIN - canarino




PASSAR - passero




CHEBE - gabbia




BARCON - finestra




PINEL - pennello



UCIEL - uccello




BEC - becco




N ÎT - nido



MÛR - muro



TALPUTIS - zampette



BLAVE - mais



Il frut al scuvierç che l'aiar al permet
la vite cul respîr, par mieç dai polmons;

Cui al sofle plui fuart? Zûc dal “I
pes in padiele”



Soflìn su lis canutis par piturâ...




Il sun al rive a lis nestrìs orelis par mieç da lis
ondis sonoris che a si slargjin intal l'air




Sinfonie di ondis



Zûcs par la atenzion e la memorie auditive (a voi bendâts scuvierzìn l'argagn che al à sunât)



Scrîf il to ritmi



Zuìn a alenâ la memorie odorose: nase e induvine ce isal limon o
café?

Aiar par nasâ...L'aiar al traspuarte i profums: il nâs e il sens dal
odorât, cemût funzional?



F
I
N